



Cofnodion Grŵp Gweithredu Lleol Gwynedd - LEADER.

13.04.16

Plas Heli, Pwllheli.

Yn bresennol:

Cynrychiolaeth o'r Sector Menter:		
Menna Jones	(MJ)	Cadeirydd LAG, Antur Waunfawr
Gwion Llwyd	(GLI)	Dioni
Llywelyn Rhys	(LIR)	Fflam Ltd
Ceri Cunningham	(CC)	Antur Stiniog
Anwen Jones	(AJ)	Is-grŵp Twristiaeth PEG
Alun Wyn Evans	(AWE)	NFU/FUW
Cynrychiolaeth o'r Sector Gwrfoddol		
Bob Lowe	(BL)	Plas Heli
Sian Tomos	(ST)	Gisda
Cynrychiolaeth o'r Sector Cyhoeddus		
O G Thomas	(OGT)	Un Llais Cymru
Ifer Gwyn		Parc Cenedlaethol Eryri
Cynrychiolaeth o Fenter Môn		
Zoe Pritchard	(ZP)	<i>Cofnodion</i>
Dafydd Gruffydd	(DG)	
Aaron Warren	(AW)	
Bethan Fraser-Williams	(BFS)	
Rhian Hughes	(RH)	
Sioned Morgan Thomas	(SMT)	
Rachel Roberts	(RR)	

Pwynt	Manylion	Gweith red
Cyfarfod Grwp Gweithredu Lleol		
1	Cafodd croeso ei estyn i bawb i'r cyfarfod gan Menna Jones Bu i MJ ddiolch i Bob Lowe am drefnu'r lleoliad arbennig heddiw.	
2	Derbyniwyd ymddiheuriadau gan 8 aelod drwy law MJ Cyng. Mandy Williams-Davies, Cyngor Gwynedd Gwenan Williams, Bwyty Lleu	

	<p>Ian Nellist – Cangen Gwynedd Ffederasiwn Busnesau Bach</p> <p>Arwel Jones – Partneriaeth Llŷn</p> <p>Delyth Vaughan – Mantell Gwynedd</p> <p>Dr Einir Young – Prifysgol Bangor</p> <p>Aled Jones-Griffith – Coleg Llandrillo- Menai</p> <p>David Ingham – D.I.Y Industried Ltd</p>	
3	<p><u>Datgan Diddordeb:</u></p> <p>Alun Wyn Evans yn datgan diddordeb ar cais Dyfi Biosffer gan ei fod yn berchen ar dir o fewn y biosffer.</p>	
4	<p><u>Cofnodion 24.02.16</u></p> <p>Derbyniwyd cofnodion y cyfarfod fel rhai cywir.</p> <p>Cynigiwyd gan : Alun Wyn Evans</p> <p>Eiliwyd gan : Llewelyn Rhys</p>	
Diweddariad AGW		
5.1	<p>Diweddariad Cyffredinol</p> <p>Rhoddwyd gyflwyniad i'r aelodau o rai o brosiectau byw Arloesi Gwynedd Wledig hyd yma, gan gynnwys:</p> <ul style="list-style-type: none"> • Siaradwyr Prosiect 15 wedi eu cyhoeddi yr wythnos ddiwethaf. Gwefan Prosiect 15 bellach yn fyw www.prosiect15.cymru ac mi fydd system archebu tocynnau yn fyw ar wefan Pontio, Bangor yn yr wythnos nesaf. Y digwyddiad ymlaen ar yr 8fed o Fehefin, 2016. Pe bai gan unrhyw aelod or LAG ddiddordeb mewn mynychu i adael i BFW/ZP wybod. • Cyhoeddwyd fod 2 fideo cyllid torfol Ynni Ogwen ac Ynni Padarn Peris yn fyw ers mis Mawrth. Cofnodwyd mai targed Ynni Ogwen o ran cyfrandaliadau oedd £160,000, ac maent bellach wedi cyrraedd £272,600! <p>Cofnodwyd mai targed Ynni Padarn Peris (cynllun gwerth llai nag Ogwen) oedd cyfrandaliadau o £100,000, ac mae hwythau hefyd wedi curo'r targed ac wedi cyrraedd £190,00 hyd yma! Rhoddwyd longyfarch mawr i'r ddau grwp cymunedol ar eu gwaith caled.</p> <p>Cafwyd trafodaeth sydyn ar yr adroddiad a greir ar ddiwedd y prosiect peilot hwn o dreialu cyllid torfol. Cadarnhawyd mai nid pwrpas y cynllun hwn oedd edrych ar systemau ynni adnewyddol, ac y cyfleon ehangach sydd i gymunedau o fewn y maes, ond yn hytrach y treialu o gyllid torfol a'r gobaith o greu 'tool-kit' ar y diwedd yn rhoi arweiniad i unrhyw gymuned arall sydd wedi ystyried codi arian drwy Cyllid Torfol. Cytuniwyd bod dull cyllid torfol yn effeithlon iawn wrth sicrhau pryniant lleol i mewn i gynllun, ac yn ei sgil yn creu perchnogaeth leol a dwys.</p>	ZP/BFW

	<p>Teimlodd aelodau'r LAG bod le i hefyd edrych ar wahanol ddulliau o ynni cymunedol, ac bod dyletswydd ar Arloesi i geisio hyrwyddo'r cyfleon i gymunedau cael manteisio arnynt. Un awgrym oedd bod Arloesi yn dod yn coladu'r holl brosiectau a chysylltiadau o fewn y maes, a thyfu i fod yn bwynt cyswllt yn y Sir i unrhyw gymuned sydd yn ystyried edrych i mewn i ynni adnewyddol cymunedol. Hefyd, ochr yn ochr i fod yn pwynt cyswllt, bysa modd creu canllaw ar y wahanol fodolau posib sydd ynghlwm i 'Budd Cymunedol', beth ydi'r goblygiadau o wahanol systemau a sut mae llwyddiant yn edrych fel?</p> <p>Cytuniwyd y byddai Staff Arloesi yn edrych ar hwn yn fanylach o fewn y cynllun 'Cyd-Ynni'.</p> <ul style="list-style-type: none"> • Dangosiwyd ffilm a greuwyd yn fewnol gan Aaron i'r aelodau, a cadarnhawyd fod Be Nesa Llŷn yn mynd o nerth i nerth, gydag un panel eto heno i asesu cais arall. • Cadarnhawyd fod Wi-Fi cyhoeddus am ddim Aberdaron yn cael ei sefydlu yr wythnos yma – ond debyg na fydd ar gael i'r cyhoedd nes mis Mai, gan bod y signal yn cymeryd ychydig wythnosau i setlo a chryfhau. • Dangosiwyd ffilm drafft i'r aelodau o ffilm fer 'spoof' ar gyfer hyrwyddo'r Gwobrau Mwyaf Cymraeg yn y byd. Er bod y fideo yn weddol heriol, roedd yr aelodau yn gefnogol ac yn hapus i'r cynllun ddatblygu ar y trywydd hwn. 	
5.2	<p>Fframwaith</p> <p>Eglurodd ZP fod rheolau caffael UE yn gorfodi i Arloesi ddilyn y drefn canlynol wrth archebu nwyddau neu wasanaethau: £0 - £4,999: Un dyfynbris yn unig. £5,000 - £24,999: 3 dyfynbris ysgrifenedig £25,000 neu drosodd: angen proses tendro ffurfiol.</p> <p>Fodd bynnag, o fewn defnydd dyddiol yn y swyddfa, roedd y rheolau yn gallu creu rhwystrau ac oedi rhai elfennau o'r gwaith, ac eglurwyd y system fframwaith i'r aelodau fel ail ddull o gaffael gwasanaethau. Egluriwyd y byddai rhai costau o fewn prosiectau peilot o hyn ymlaen yn nodi'r cyflenwr fel 'Fframwaith' – ac i aelodau'r LAG fod yn gyffyrddus gyda'r derminoleg yma. Holiwyd os byddai modd i ZP rannu atodiad bach efo'r aelodau i egluro'r broses o greu fframwaith. staff AGW bellach wedi derbyn nifer fawr o ymholiadau ynglŷn â'r cynllun newydd yn ogystal ag ymholiadau sy'n gysylltiedig o'r hen gynllun.</p>	ZP
Cynigion Prosiectau Llawn		
6.1	<u>Byw a Bod: Digidol</u>	

	<p>Eglurodd DG y cynllun i'r aelodau, gan bwysleisio ar yr hyn a ddysgir o'r peilot sef:</p> <ul style="list-style-type: none"> • Mae gan Gwynedd cyfleoedd gyrfaoel safon uchel • Mae gan Wynedd profiadau bywyd da. • Mae Gwynedd yn cynhyrchu gweithlu safon uchel <p>Holiwyd am beth yn union oedd y costau teithio ynghlwm i'r prosiect, ac os mai i gyllido myfyrwyr oedd yn byw tu hwnt i Wynedd oedd hwn? Cadarnhawyd mai i fyfyrwyr is-raddedig o Wynedd yn unig oedd hwn, a bod y cyllid i gefnogi myfyrwyr o ardaloedd pell / gwledig yng Ngwynedd i gyrraedd Parc Menai, Bangor oedd hyn.</p> <p>Holiwyd ym mha fformat fydd y ffilm, ac egluriwyd mai'r nod ydi creu ffilm 5-7 munud o hyd ar ddiwedd y cynllun, gyda'r prif neges o hyrwyddo'r cyfleon yn y maes.</p> <p>Nodwyd bod cynulleidfa ehangach yn y Sir nag myfyrwyr yn unig, gan bod diffyg dealltwriaeth ac ymwybyddiaeth o fewn y sector gyhoeddus o'r cyfleon swyddi gwerth uchel sydd wedi'i bwysleisio yma. Awgrymiwyd y byddai cyrff o fewn y sector gyhoeddus yn buddio o'r prosiect peilot hwn hefyd.</p> <p>Awgrymodd IG byddai defnyddiol rhannu y model yma hefo swyddogion LLC/CG a'r Parc gan eu bod nhw hefyd yn cael trafferthion recriwtio gweithwyr addas yn y maes TGCh.</p> <p>Holiwyd sut bysa'r lleoliadau i'r 5 myfyrwyr gael ei hysbysebu? Cadarnhawyd mai proses agored cyhoeddus y byddai, ond bod cyfyngiad i myfyrwyr is-raddedig sydd yn byw yng Ngwynedd, sydd yn astudio pynciau'r gwyddorau. Awgrymodd y LAG bod angen gwneud yr gwyddorau yn fwy amlwg wrth hysbysebu'r lleoliadau.</p> <p>Bu i'r grŵp gymeradwyo costau'r prosiect Byw a Bod: Digidol werth £28,500.</p> <p><u>Byw a Bod: Perfformio</u></p> <p>Cyflwynodd DG y prosiect i'r aelodau, ar sail egwyddorion y cynllun digidol blaenorol, ond bod y maes yn wahanol tro hyn wrth recriwtio myfyrwyr sy'n y maes celfyddydau a chael nhw i weithio ar perfformiadau byw / ar y stryd sy'n cyflwyno'r iaith a diwylliant i ymwelwyr.</p>	RR
--	--	----

	<p>Un sylwad bach a nodwyd oedd i gymeryd i ystyriaeth y wahanol dafodiaith sydd allan yno os yn dysgu Cymraeg i ymwelwyr.</p> <p>Awgrymodd IG i gysylltu gyda Croeso Cymru (Mari Stevens yn benodol), er mwyn trafod y grantiau a chymorth a ddaw drwy law nhw – sydd o bosib yn cyffwrdd ar berfformiadau pop-up tebyg i'r nod yma. Angen cysylltu i sicrhau nad oes dyblygrwydd, neu bod ffynhonnell prif-ffrydio drwy Croeso Cymru ar ddiwedd y prosiect peilot. Awgrymwyd i wahodd Mari i gyfarfod y GGLL i'r dyfodol.</p> <p>Nododd DG bod costau cyflogi myfyrwyr wedi codi o'r swm gwreiddiol o £6,750 i £9,000 – er mwyn sicrhau bod y 5 lleoliad yn apelio a bod y safon yn dda.</p> <p>Cytunodd aelodau'r LAG i'r cynyddiad yng nghost cyflogi'r myfyrwyr, ac hefyd i gynyddu'r arian wrth gefn o £1,000 i £2,700 er mwyn sicrhau bod arian wrth gefn i fedru ymdopi gyda'r costau annisgwyl wnaiff bosib godi gyda prosiect arloesol fel hon. Cytuniwyd i'r cyfanswm cost newydd yn £27,000.</p> <p>Cymeradwyodd yr aelodau LAG y prosiect peilot Byw a Bod: Perfformio ar gyfanswm o £27,000.</p> <hr/> <p><u>Biosffer Dyfi</u></p> <p>Cyflwynodd SMT yr prosiect cydweithredol hwn i'r aelodau. Cadarnhawyd fod hwn yn brosiect traws-ffiniol gyda Ceredigion (arwain), Powys a Gwynedd.</p> <p>Nodwyd bod cyfraniad y siroedd wedi eu rhannu ar sail poblogaeth o fewn yr ardal Biosffer Dyfi o fewn y 3 Sir.</p> <p>Codwyd pryder gan y LAG bod Partneriaeth Biosffer Dyfi wedi bod mewn bodolaeth ers 15 mlynedd, ac bod y prosiect yn edrych fel grant uniongyrchol i grŵp penodol, enwedig gyda sôn bod cost y cynllun o bosib am gynyddu.</p> <p>Nododd AWE fel aelod sydd yn berchne ar dir o fewn yr ardal Biosffer ei fod yn ymwybodol o adborth lleol a'r teimlad nad oes digon o yriant. Cefnogaeth i ddatblygu'r ardal wedi bod yn y gorffennol. Cadarnhaodd bod diddordeb lleol yn y dynodiad, ond dros amser wedi colli ffydd gan bod diffyg capasiti a threfnu lleol wedi bodoli.</p> <p>Cadarnhaodd IG ei fod yn eistedd ar Bartneriaeth y Biosffer, yn cynrychioli APCE, ac ei fod yn gweld cyfle yma i ddatblygu gweithgareddau eang ar draws ardal y Biosffer yn ei gyfanrwydd, ac nid mewn pocedi bychan fel sydd wedi digwydd yn y gorffennol. Gwelodd gyfle i fedru gwir dangos gwerth y brand dynodedig, ac fod hwn yn her gan bod yr ardal wedi ei wasgaru ar draws ffiniau 3 Sir.</p>	<p>RR/ZP</p>
--	--	---------------------

	<p>Holiwyd fwy am swydd yr animeiddiwr h.y. beth oedd dyletswyddau'r swydd, ac os oedd am fod yn gynaliadwy.</p> <p>Trafodwyd bod modd i'r swyddog wneud y rôl yn gynaliadwy wrth weithio ar brosiectau arloesol a denu rhagor o arian i'r ardal. Nodwyd bod cenfigen/diddordeb o fewn ardaloedd dynodedig tebyg e.e. AHNE mewn rôl swyddog fel hwn a bod cyffro yn y maes o ran y gallu i ddatblygu a buddio fwy o'r dynodiad arbennig hwn.</p> <p>Holiwyd beth fydd yn digwydd ar ôl y 2 flynedd, a oedd targedau / allbynnau penodol ynghlwm i'r swydd? Eglurodd SMT fod aelodau'r îs-grŵp wedi codi pryderon tebyg, ac bod nhw wedi awgrymu bod y swydd yn ffocysu ar yr amcanion canlynol:</p> <ul style="list-style-type: none"> - Ychwanegu gwerth (i gymunedau a busnesau'r ardal drwy ddefnyddio brand dynodedig y Biosffer) - Elfen addysgol i bobl (ysgolion a chlybiau cymdeithasol) - Darganfod ffyrdd o godi arian a chronfeydd eraill o gymorth ariannol tu hwnt i LEADER ar gyfer y dyfodol. <p>Teimlodd yr aelodau os ydynt yn cytuno i gefnogi'r prosiect peilot, y byddai'n werth cael y swyddog i fynychu cyfarfod y LAG er mwyn rhoi diweddariad o'r gwaith.</p> <p>Nododd SMT fod posibilrwydd o gyfanswm cost y cynllun a chyfraniad AGW (a nodir yn y cynnig heddiw yn gyfraniad o £9,360.20 dros 2 flynedd) gynyddu yn sgil cytuno ar raddfa cyflog y swyddog gyda Cyngor Ceredigion (sydd yn cyflogi'r swyddog) yn ogystal â chadarnhau arian gweithredu i'r swyddog.</p> <p>Bu i'r grŵp gymeradwyo uchafswm o £12,000 fel cyfraniad gan Arloesi Gwynedd Wledig i'r prosiect hwn. Dirprwywyd y cytundeb terfynol i'r is-grŵp.</p>	
	<p>Rhodd Ymwelwyr</p> <p>Cyflwynodd DG ar y cyd gyda RH y prosiect peilot Rhodd Ymwelwyr i'r grŵp. Nodwyd bod ffurflen gofrestru wedi'i ddosbarthu ymysg busnesau yn ardal y Wyddfa, ac bod 18 busnes eisoes wedi cofrestru i gymeryd rhan yn y peilot. Cadarnhawyd y byddai pwyllgor rheoli yn cael ei sefydlu i reoli'r prosiect peilot. Mi fydd y 18 busnes yn cyfarfod am y tro 1af fel grŵp Nos Fawrth nesaf (19eg o Ebrill yn Mynydd gwefru, Llanberis).</p>	

	<p>Holiwyd sut oedd y 3 achos wedi'i benderfynu, ac eglurodd RH mai ymgynghoriad cyhoeddus a gynhaliwyd yn mis Tachwedd 2015 a benderfynodd ar yr achosion.</p> <p>Soniwyd bod hon yn brosiect 18 mis, ac ei bod hi'n amhosib rhagweld yr holl gostau gall godi, ac gofynnwyd os byddai'r LAG yn fodlon ychwanegu £2,000 wrth gefn, a chynyddu cyfanswm cost y cynllun i £27,000. Cytunodd y LAG i'r cynyddiad hwn.</p> <p>Rhoddir sylw bod rhedeg y prosiect mewn ardal leol penodedig fel Ardal y Wyddfa, am fod llawer haws na chynllun Gwynedd gyfan. Mae'n haws penderfynu at ba achosion y cyfrannir arian ato mewn ardal fach, a bod risg i gymunedau teimlo diffyg cynrychiolaeth o fewn cynllun Gwynedd gyfan.</p> <p>Awgrymwyd bod angen cryn meddwl i hyn rwan, wrth ddatblygu'r cynllun yn barod i'r drosgrwyddo arol y 18 mis.</p> <p>Nododd IG bod PCE wedi ystyried cynllun tebyg yn y gorffennol, ond bod diffyg diddordeb wedi bod, yn rhannol yn sgil ansicrwydd bobl o reolaeth y cyllid a'r achosion. Cytunodd bod y datblygiad hwn, sydd wedi sicrhau perchnogaeth y busnesau / gymuned leol o'r cychwyn cyntaf wedi sicrhau sail cryf i'r cynllun, a tebygrwydd i lwyddo. Nododd petae hwn wedi'i wthio gan y Sector Gyhoeddus, na fyddai cymaint o berchnogaeth a diddordeb yn y lle cychwyn.</p> <p>Bu i'r grŵp gymeradwyo y cyfanswm cost prosiect uwch o £27,000 yn sgil clustnodi £2,000 wrth gefn.</p>	
	<p>YNNI PLANT</p> <p>Cyflwynodd DG y prosiect peilot bychan hwn i'r aelodau.</p> <p>Holiwyd pam bod y prosiect o fewn yr ardal penodedig o Ardal Felinwda, Llandwrog a Brynaerau, a cadarnhaodd DG mai dyna oedd lleoliad y gwirfoddolwyr sef Osborn Jones ac Arwel Elias.</p> <p>Roedd cefnogaeth i'r ffocws ar ynni adnewyddol, yn enwedig y clymu rhwng hen ynni gwyrdd oedd yn yr ardal 200 mlynedd nol, a'r systemau heddiw.</p> <p>Nodwyd bod un aelod o'r is-grŵp wedi codi pryder am y pwnc, a gwnaethpwyd newidiadau i'r rhaglen waith fel ei fod yn canolbwyntio fwy ar ynni gwyrdd.</p> <p>Roedd LL.Rh hefyd wedi codi pryderon bod angen sicrhau cyfartaledd bechgyn a merched, i gyd-fynd gyda ymgyrch genedlaethol yn ddiweddar ar ddenu fwy o ferched i'r sector ynni / gwyddorau. Cadarnhawyd bod newid i'r cais wedi'i</p>	

	<p>wneud yn penodi lleoliad i 10 o ferched a 10 bachgen er mwyn ceisio sicrhau hynny.</p> <p>Awgrymodd MJ bod modd clymu 1-2 fyfyrwr i'r prosiect peilot hwn (yn debyg i'r prosiectau Byw a Bod), fel esiampl i'r plant fydd yn rhan o'r prosiect. Byddai'n wych petae'r myfyriwr yn ferch sy'n astudio'r gwyddorau / ynni, enwedig gan mai 2 ddyn sydd yn arwain yr ysgol ynni fel ffordd o ysbrydoli'r merched.</p> <p>Hefyd teimlodd y LAG bod angen i'r pecyn gwaith ganolbwyntio ar ddangos / hyrwyddo'r cyfleon gwaith lleol i'r plant ysgol o fewn y maes ynni adnewyddol.</p> <p>Hyn yn bwysig er mwyn dangos y linc rhwng yr hyn mae'r plant yn ei ddysgu a'r cyfleon gyrfa real sydd yng Ngwynedd. Efallai bod modd clymu gyda rhai cwmnïoedd blaenllaw yn yr ardal megis Magnox / Mynydd Gwefru ayyb.</p> <p>Yn sgil yr awgrym o gyflogi un myfyriwr, cytuniwyd i godi'r swm prosiect o £3,000, er mwyn gallu cyflogi myfyriwr. Cytuniwud i ddirprwyo'r penderfyniad terfynol o'r costau i'r is-grŵp Thema 4.</p> <p>Bu i'r LAG gymeradwyo cynyddiad mewn cost y prosiect o'r swm gwreiddiol o £5,450 i £8,450, a dirprwyo'r penderfyniad terfynol i'r is-grŵp thema4.</p>	
Materion eraill:		
9	<p>Ymateb i sylwadau'r LAG:</p> <p>Trafodwyd rôl aelodau'r LAG o graffu prosiectau, a rôl y staff i ymateb i sylwadau'r LAG. Nododd ZP ei bod yn ymwybodol o achosion lle nad yw'r adborth wedi'i ddelio / ymateb iddo.</p> <p>Nodwyd bod trefniadau wedi diwygio yn ddiweddar, er mwyn rhoi cyfleon gwell i ymateb i sylwadau (nid yn unig yr is-grŵp, ond sylwadau arbenigwyd yn y maes a chyrrff perthnasol).</p> <p>Mae adran o fewn y ffurflen cynnig prosiect lle mae cyfle i nodi'r adborth / sylwadau, gyda gofod i staff Arloesi nodi'r ymateb neu'r newidiadau a wneir yn sgil yr sylwadau hynny.</p> <p>Holiwyd pa fath o system monitro oedd ar y rhaglen, a chadarnhawyd fod Llywodraeth Cymru yn gallu cynnal awdit ar y rhaglen ar unrhyw amser, ond bod ffocws yr awdit fwy ar cymhwysder y gwariant.</p> <p>Aeth y drafodaeth ymlaen i sgwrsio am prosiectau risg uchel, gyda'r sylwad bod prosiectau hyd yma wedi bod yn eithaf saff, a sicr o lwyddo. Cytuniwyd ond roedd pawb yn teimlo bod y grŵp yn dechrau dod i arfer gyda'r rhaglen newydd,</p>	

	<p>a’r disgwyliadau ohoni, ac yn y dyfodol bydd aelodau fwy hyderus yn cefnogi prosiectau risg uchel. Rhoddwyd sylwad gan yr aelodau bod angen iddynt bod yn fwy ddewr o hyn ymlaen, ac bod mwy agored i brosiectau arloesol sy’n risg uchel. Holiwyd sut oedd modd derbyn syniadau risg uchel neu heriol, ac un awgrym oedd sefydlu digwyddiad (debyg i Ted Talks) sy’n roi llwyfan i bobl siarad am syniadau newydd, neu herio.</p> <p>Soniwyd hefyd bod sgysiauw mewnol o fewn staff Arloesi i geisio creu heriadau misol e.e. “Sut gallwn adfywio’r stryd fawr”, ac bod ni’n gwahodd bobl i gyflwyno eu syniadau i ni. Roedd yr LAG yn gefnogol o hynny, ac nodwyd byddai modd diweddarw nhw yn yr LAG nesaf o’r heriadau misol.</p>	
Dyddiad Nesaf		
	Dyddiad cyfarfod nesaf 29ain o Fehefin, 2016 am 1 o’r gloch, Coleg Llandrillo Menai, SAFLE GLYNLLIFON.	